



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. VII. De Deipara virgine Maria.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

collyrii
Hæreticorum
Lib. II.

alleviationem consolationemq; accipere meretur, si tamen expedit ut in utroque allevietur. Quod si forte corporis sanitatem atque valetudinem habere illi non expedit, illam procul dubio, quæ est anima, sanitatem & alleviationem in hujus Unctionis perceptione acquirit. Hæc ille.

3.
Semper
fuit ejus
usus in
Ecclesia.
Marc. 6.

Sancta consuetudo ungenti infirmos Oleo consecrato, semper in Ecclesia Dei sub novo Testamento fuit observata. Nam & in Evangelio legimus Apostolos oleo unxisse infirmos. Hujus unctionis meminit S. Chrysostomus tertio libro de Sacerdotio. Innocentius quoque, qui ante mille & centum annos universali Ecclesie præfuit, primus hujus nominis Pontifex Summus, in Epistola quam ad Decentium Eugubinum Episcopum scripsit, præclare de hac Unctione differit.

CAPUT VII.

De Deipara Virgine Maria.

1. Beata virgo Maria dignitate & gloria omnes Angelos antecedit.

2. Recte vocatur vita, spes, salus nostra: quia Deum titulos illos, aliosq; similes sermo suus communicat, qui ipsi tamen principaliter competunt.

3. Sanctus Chrysostomus B. Mariam invocet, & Angelicu choru proponit.

4. B. Bernardus eandem ut advocatam in omnibus causis opportunam prædicat.

5. S. Hieronymus Matrem virginem docet.

1.
B. Virgo
Maria
excellit
Angelos
dignitate.

MARIAM veram Dei genitricem non posse satis laudari, omnes pii fatentur. Ejus dignitas, omnium Angelorum dignitatem superat. Nam cum Do-

minum universæ creaturæ generit, ipsa quoque universæ creaturæ Domina est. DELIM virgo concepit, virgo peperit, & post partum virgo inviolata permansit. Merito itaque, juxta ipsius vaticinium, omnes generationes eam dicunt beatam.

Convenienter appellamus eam salutem, vitam, & spem nostram, propterea quod Christus, qui principaliter est salus, vita, ac spes nostra, se per illam nobis dederit, quodque ipsa apud Filium maternam fiduciam nobis impetret quæ salutaria sunt. Aegrè ferunt hæretici, quod illam talibus appellationibus prosequamur: sed si scaperent & intelligerent, non ob id indignarentur. Sæpè enim ea quæ attribuuntur DEO Creatori, rectè attribuuntur etiam creaturis: aliter tamen Deo, atque aliter creaturis. Unde Paulus scribens Thessalonicensibus, dicit: *Quæ est nostra spes, aut gaudium, aut corona gloria? nõnne vos anse Dominum?* Et hi ad quos sermo Dei factus est, vocantur dii. Apostoli quoque à Christo dicuntur *lux mundi*. Itidem adoratio invenitur laudabiliter exhibita creaturæ. Nam scriptum est, quod Abraham adoraverit filios Heth, & quod Jacob adoraverit fratrem suum Esau, quodque filii Prophetarum adoraverint Eliseum Prophetam.

In Liturgia Chrysostomi hæc verba de ipsa Maria habentur: *Vere dignum & justum est, glorificare*

Collyrij te Deiparam, & semper beatissimam, ac penitus incontaminatam matrem Dei nostri, honoratorem Cherubim, incomparabiliterq; gloriosorem Seraphim, qua circa corruptionem ipsum Deum genuisti: te verè Deiparam magnificamus. Ave Maria, gratia plena, Dominus tecum, benedicta tu in mulieribus, & benedictus fructus ventris tui, quoniam Salvatorem peperisti animarum nostrarum. Sæpiùs etiam in eadem Liturgia verba ista iterantur; Sanctissima, intemerata, super omnes benedicta, gloriosa Domina nostra, Deipara & semper virginis Maria, atque omnium Sanctorum memoriam agentes, nos ipsos & invicem, atque omnem vitam nostram Christo DEO nostro commendamus.

4. Beatus Bernardus inter multa quæ de eadem Deipara Virgine scribit, hæc dicit: In periculo, in angustiis, in rebus dubiis, Mariam cogita, Mariam invoca. Non recedat ab ore, non recedat à corde. Et ut impetres orationis eius suffragiù, non deseras conversationis exemplum. Ipsum sequens, non devias; ipsam rogans, non desperas; ipsam cogitans, non erras; ipsa tenente, non corruis; ipsa protegente, non metuis; ipsa duce, non fatigaris; ipsa propitia, pervenis. Hæc Bernardus. Non potest gratus esse Filio, qui Matris honori detrahit.

5. Mariam post partum permansisse virginem, firmiter credit Ecclesia Dei. Unde perpetuam ejus virginitatem beatus Hieronymus

adversus blasphemias impuri Elvidii, insigni libello tutatus est.

latem B. Maria.

CAPUT VIII.

De veneratione & invocatione Sanctorum.

1. Honoratur Deus ipse honore illo, quem propter ipsum Sanctum ejus deferimus.
2. Secterius per ipsos aliquid à Deo postulamus, quam per nos ipsos.
3. Poterant alios apud Deum suis precibus adjuvare cum in terra viverent, quantum magis id nunc in cælis recepti poterunt?
4. Cognoscunt enim & audiunt preces ad se suas; quia omnia creata vident in Deo.
5. Propterea S. Basilii, aliq; sancti Patres populum sæpe ad eos invocandos hortantur.

DIABOLUS sciens cultum Sanctorum Deo plurimum placere, ingentemque utilitatem adferre fidelibus, eum per hæreticos abrogare molitur. Si non esset Deo acceptus honor qui Sanctis exhibetur, Psalmista lætundus non caneret; *Mihi nimis honorati sunt amici tui DEUS.* Ab ipso Deo Sancti honorantur, quemadmodum Christus ait: *Si quis mihi ministraverit, honorificabit eum Pater meus qui in cælis est.* Num, quæso, eos non venerabimur, quos DEUS in cælis honorat? Planè Sanctos colere, est Deum, qui illis sanctitatem contulit, honorare. Aliter ipsum DEUM, atque aliter Sanctos colimus: neque enim Sanctis veram illam patriam, quæ solùm divinæ naturæ competit, exhibemus.

Non potest non eximium fructum referre is, qui cultui Sanctorum deditus est, & eos piè atque humiliter invocat. Nam sicut di-

1. Honor de latu San-cti ipsi Deo deferretur, & in Deum redit Psal 118.

Ioan. 12

2. Per eos se curius adimus Deum quam per nos ipsos, ut affirmit S. Dionysius.

